

詔安縣志卷之三

方輿志

九州攸同海外有截幅員之廣未有若今日之盛者也粵稽詔安沿革原爲漳浦之遠鄉割分爲邑置此于幅員內奚啻彈丸然居百粵上游爲八閩左臂覽疆域而知形勝觀山川而識險奇雖時代已更人物非故磨滅者不可勝紀乃吊古瞻丘猶有巍然獨存者豈非蹟以古而足重墓以人而能留耶況夫書院書室巖洞亭臺多昔賢講學讀書隱居嘯詠之蹟興廢之間可以識盛衰之故矣至于薰陶漸則風俗成

詔安縣志

卷之三

方輿

一

三百四十四

生植繁則方產著物力之登耗民風之淳漓長民者應有休養化導之責焉作方輿志

沿革

先王畫野分州歷代建置不一秦罷封建而置郡縣後或爲部爲道爲路爲軍是其地者不必襲其名仍其名者未必卽其地紛紛變易處處皆然況詔爲新設之邑介閩粵之間命名不常隸屬屢改備稽顛末歷載原由俾後之覽是志者知詔安在某時屬粵在某時屬閩在某時爲場爲驛爲寨爲屯夫亦可以識其地論其世矣志沿革

詔安縣本漳浦縣南詔鄉禹貢揚州之域周職方七閩地也

唐時有南詔人過此言此地風景好似我南詔故以南詔爲名

漳之爲州始于唐嗣聖三年而漳浦縣與並置

高宗儀鳳三年寇陳謙等連結諸蠻攻潮州守帥不能制左玉鈐衛翊府左郎將陳元光討平之開屯于漳州之北且耕且守嗣聖三年元光請于泉潮間建一州以抗嶺表詔從之因卽屯爲州并置漳浦縣屬焉

詔安縣志

卷之三

方輿

二

三百五十六

浦又古綏安地潮陽志綏安晉時屬義安郡義安卽今潮州是詔自綏安時有矣陳元光建州後卽其地立行臺以時巡邏是爲南詔保下游直抵潮之揭陽貞元中拆立懷恩縣而南詔屬懷恩後省懷恩入漳浦詔復屬漳浦宋爲南詔場爲臨水驛又爲沿邊巡檢寨元置屯田發屯兵戍守至正間右丞羅良因命屯官陳君用城之置屯田萬戶府明弘治間廣寇爲患調漳州衛後所官軍置守禦千戶所正德己卯設捕盜通判駐焉兼督平和饒平等處尋以不便廢嘉靖八年鄉民許仲遠等請設縣明年議拆漳浦縣二

三四五都爲縣勅名曰詔安屬漳州府

疆域

何言乎疆域也疆成于積壤域定于分畛土疆山域澤疆水域昔人詳哉言之矣疆域有廣狹貢賦有重輕土壤有肥磽人民有多寡長吏各守其地厥有專責不容紊也詔邑東南濱海則海上之封疆未可以道里計西北接粵則隣省之分域又宜以分寸明疆域其可略乎舊志志形勝而不志疆域竊謂疆域可以包形勝而形勝不可以盡疆域禹貢所以先言八州之疆界而後及界內之山水

詔安縣志

卷之三

方輿

三

三百五十五

耳因祖述其意先明境至後附舊志形勝并戴冠所著地圖說廣袤俱悉險阻咸明志疆域

詔安東抵漳浦界西抵饒平界廣一百里南抵海北抵平和界袤一百二十里

東至銅山所八十里至金石司六十里至洪淡司八十里俱海嶼嶼外俱大海至漳浦縣一百三十里南至懸鍾大海三十里至潮州柘林寨三十里柘林渡海至南澳總兵府一汐水東北至雲霄鎮八十里北至平和縣一百二十里至饒平之三饒一百里西北至饒平縣一百里西南至饒平之黃

岡驛四十里

舊志詔安形勝屏蔽于漳分疆于浦自浦以南盤陀
迴峻限以嚴關雲霄故鎮在焉中踞椽林大山通道
百粵者爲茲邑治險阻地峙形勝天開朝丹暮霞潮
汐吐吞南山聳翠于前鳳頭高擁于後所在重關複
岫足爲屏鑰九侯以北漸岳以東則陰崖蔽景崇巒
隱天捫參歷井未罄名言而且赤坑孕其雄秀象頭
滙其汪洋地勢夷曠民居稠密山川萃鬱人文迭興
閩會極南此爲樂土又若天馬數峰直盤飛于空際
點燈列嶂類玉筍之聯班則標舉勝槩畱連風景亦
足以馳騁胸懷發皇耳目允爲江表之名邦不獨閩
封之保障矣

戴冠詔安地圖說

丙寅奉至道里更

旨駁造四定回覆作

詔安當百粵

詔安縣志

卷之三

方輿

四

三百八十七

上游故漳浦縣三都地人敦禮義家習詩書而距浦
邑絕遠嘉靖間議以鞭長難及割浦二三四五等都
分設詔安縣嗣是人文蔚興前志略紀其山川形勢
建置沿革始末其由治所抵懸鍾遊一潮汐之便迤
東渡磁窰八尺門抵銅山亦僅九十里而遙南北對
峙外控引南灣內蔽捍雲浦近復築八尺門兩砲城
以扼賊由外洋入寇之路綢繆備禦最爲精密則未

之詳也按圖縣治三面負山一面吞吐鉅海朝□暮霞行空天馬肅然朝宗正北椽子林十八硿屏嶂玉筍嶙峋與浦九十九峰號大小梁山自五嶺大牙發脉至平和大峰山突起雄亘而大峰中出之最高者曰點燈山爭光列宿起伏迢遞百許里至出卿良峰兩山而闢縣治壯全閩第一門戶遠近錯落泉石煙嵐皆古德仙佛之氣者曰九侯山初稽山前代名賢隱居倡道故址尙存山勢怒奔而東凌江欲渡未渡則漸山聳拔空際如千瓣芙蓉陰晴丹碧頃刻萬狀支流曰竹港曰梅洲曰上湖曰海月厚港東西嶠紆

詔安縣志

卷之三

方輿

五

四百一十

絡縈迴釣舫書畫船隱現蒹葭中環居山麓名賢如宋翁瓊州待舉陳廉獻景肅太學吳大成楊耿鄭柔薛京並堅隱此山以避建炎紹興時學禁和議之禍山之四履理學文章表著者亦率父子祖孫相繼兄弟競爽蒸蔚精靈殆跨九侯初稽諸名山上也渡海而東爲五都爲銅山有數人物後先接武轉而正東周道如砥越深田油柑等嶺阡陌瀾漫耕桑如織則漳浦雲霄界矣正西金谿四九甲諸鄉從麻寮河竈逕深八官陂林婆社至大溪爲平和之南境詔水脉濫觴于此至縣城停蓄始趨龍江甲沔蠟諸洲其潮

勢視西南饒界潮坑諸細流滙南山下入海者特雄壯其從林婆社之紅花嶺間道右折而三峻嶺入秀篆埔坪清涼山諸團田園種植別一天地其民有皓髮龐睂未嘗至城市老死不見兵革者而中邊一線亦與饒之西北三饒百子橋絕深界接壤皆菁林鳥道天日蔽虧惟由縣治西南二十五里至漳潮分水關又十五里黃岡巡檢司始爲閩廣通衢往水立山飛時師徒絡繹行賫居送村無煙火路斷人行茲則劍佩車馬流水游龍如繡如畫詔隸職方來衣履梗槩約略具此若夫源遠流長播越遷徙之餘魂以次

詔安縣志

卷之三

方輿

六

三百七十六

山川

禹敷土隨山刊木奠高山大川是八年之勞盡在山川也凡有高山必有大川而大川之水非疏導有方能爲利而亦能爲害詔邑負山面海海爲諸水所歸而無事疏導此天地自然之利爲斯民者

知之乎舊志有曰上下原阪念衣食而愨財阜之

求跋涉艱嶇知嶮易而周固禦之策官斯土者不可不知也先輩有言曰東南龍脉遇海而止元氣蟠演發爲柔中之剛山不能勝水而拔地卓起未肯相牽相連強爲詭隨附麗其骨力與龍門砥柱同人才間出率多品勝厥惟肖哉爲斯土者知之乎又曰本同而末異者山本異而末同者水詔安之水雖近歸于巨海詔安之山實遠發于大峰覽斯志者不可不知也是皆脩志之微旨也志山川詔安縣山當閩封之極南控引潮粵其山多雄亘自五嶺龍門九牙山來至大峰再立祖山大峰之西出詔安縣志

卷之三

方輿

七

三百一十

來縣治者曰小篆山

俗曰犁頭山嵯峨高大爲縣龍之祖叢險盤紆可當要害

曰出卿山

俗曰赤坑良峰山之本祖勢若五星聚講一支爲西山饒平界一支爲縣治

曰桂山曰烏石鼓山曰寨山曰浮山縣治主山曰良峰山

聳拔奇麗讖云良山青出公卿朝暮有紫氣有寺見寺觀志

大峰之中出者曰點燈山

夜有天燈騰光之祥故名一支繇平路至斗頭山五老山而止一支繇金溪山江畝坑歷小嶺至雞籠山而止在二都

曰奇金峰曰六峒山

奇金峰在三都聳峭數百仞六峒山在二都

大峰之西南縣治之東北其巔從盤礴肖梁岳者曰椽仔林山

在縣東北五十里山勢巔從崖石林列有石屋數十處可容百人稱十八硿云嘉靖末附山劇寇嘯

詔安縣志

卷之三

方輿

八

三百三十

聚谷中出沒靡常大爲民害進士蔡一楠被擄在此官兵莫何旋方散去今盜稍息而姦慝恒遁居焉菁林要害尤一方之鏗緊者此山實與九侯連絡爲邑之鎮山特以岨嶮故鮮稱焉南行者望梁山方盡逾盤陀而南群峰天半依然轟轟玉筍曰初稽山曰九侯山

初稽卽九侯左在縣北三十里山半有三潭不竭元季陳汶輝結庵講學于上巨石出泉清冽號玉泉可和藥谿多巨石草皆萱蘭卽長田徑之溪水也九侯在縣北二十里九峰並列有石門可通車

馬頂上可坐數十人中爲碁盤有天然橋香爐石
風動石雲根石天梯石觀音石鯉魚石三寶石一
石如覆船又有飛來佛羅漢洞松澗泉一統志云
毘志謂九侯傳夏后之緒以指爲夏之子孫而蔡
如松云九峯之神各主一山其說不同舊志宋禁
僞學時有五儒隱姓名遠來就此講學暮年間歸
後人因名九侯書室有詩云奎躔煥五曜高照東
南方風韻遠相聞琴書來徜徉掬彼九侯水就爾
五儒腸金陵趙嘉客詩古凌秋霜洛陽周直言笑
語含德芳臨汀伍仲求冰壺瑩瑤光大林飛仙者

詔安縣志

卷之三

方輿

九

三百六十九

吸露壽而臧中有石屏翁巖栖無炎涼同躋名山
頂流飲北斗漿玉皇吹鐵笛玉女製霓裳皆云五
儒者百歲陟帝鄉共弄風塵表悠悠天地長後人
好事者列九侯山二十四景曰九侯拱北三極撐
天瓊岡紫霧爐石清煙天然橋上風動石邊日巔
見海雲室觀泉黃禾滾浪青犢眠田雲纏樵路口
照僧磚玉泉垂虹太極洞淵觀音洞口石佛飛仙
石門天設鐘磬禪軒桃源深處羅漢舊扁宋儒書
室仙子碁盤浣心泉石洗耳澄川

曰和廣山

舊志作厚廣山在縣東北二十里山勢崒嶺延袤數十里一支曰鳳髻山一支曰東岵山曰雙屏山曰眞武山眞武之前在洋尾江中者曰官巔山一支曰鳳山曰大圍山

曰奇山

舊志在縣東二十里

曰九上落山

在縣東十五里先是路出北門惡少竊伏行旅患之嘉靖乙巳知縣廖暹改從鳳山洋尾在半沙分岐其山卽和廣分支

詔安縣志

卷之三

方輿

十

二百二十八

縣之西南曰焦坑山

舊志在縣西北三十里

曰分水關山

漳潮分界列嶂隙處知縣周立捐貲築城邑人沈鈇捐助共成

曰龜山

在縣西南二十五里上有巨壑相傳有潛龍禱雨多應有石洞可容數十人在關之左卽葉鹽讀書處

曰琉嶺

山如列屏在關之右路通東界柘林多盜詳關隘
曰大南山

與琉嶺相連綿亘數里若巨屏其巔產蘭

曰小南山

文廟筆山秀聳奇麗萬曆壬寅知縣黎天祚建塔
未成萬曆丁未知縣鄭化麟因塔址用土培之邑
中科第遂有二三同登者

曰象頭山曰竹西嶺至此而南暨嶺背則潮境矣
邑治之東曰四都其最曠邈爲餘甘嶺山

在縣東六十里上至深田舖磨石溪而止蓋漳浦

詔安縣志

卷之三

方輿

十一

三百〇四

詔安接壤山也山險多盜知縣廖暹修廢寨移民
兵守之其山從雲霄茅嶺來梅洲五都發脉之祖
舊路從山嶺行崎嶇不便萬曆二十五年知縣夏
宏改由山腰而行士民稱快頌德紀石

爲葵崗山

在縣東四十五里餘甘嶺之右支山勢綿亘跨于
深田舖上下中有兩小山相峙稱相見嶺云有古
關隘壘石而成宋爲沿海道巡海所明以古林徑
心諸舖豪黠劫掠撥浙兵守之

雙岐山

雙峰高峙從九侯縲子林分支與漸山相對與厚
廣山相連下爲大興公館上湖奇材後港諸鄉胡
文父子陳天資李旦之里胡士鰲有八景題詠遺
藁散逸無存

自餘甘嶺分行至于東南爲知州山

在縣東南六十里從餘甘嶺山至竹港溪而盡宋
知瓊州軍翁待舉葬于此山故以知州名今子孫
尙家山麓

屹立于四都上湖之江左近梅州與知州山分脉者
曰漸山有石榴遺洞存焉

詔安縣志

卷之三

方輿

十二

二百九十八

在縣東五十里四都東境山也高峭千仞頂分二
峰俗呼雙鯉朝天中有潭深不可測宋進士翁待
舉陳景肅楊仕謹仕訓張昇咸生山麓築室讀書
于上種榴數百株號石榴洞遺跡尙存山岐跨至
港口渡西南巨石若屋廬然內有泉清冽遠近汲
之正德十四年龍起聲如摧屋食頃乃止山塌裂
深廣丈餘人咸異焉

其界屬四都而山從鳳山大圍迤出者曰梅嶺山
在四都離縣三十里距懸鍾所十里瀕海有公館
今廢漳之洋舶先實發于此原有主簿鎮于此後

設縣鎮除以其地屢爲倭寇所憑後發船在海澄
是地雖屬四都山爲三都濱海盡處

曰沔州山

舊懸鍾志曰敏州山在縣治東南海中衆水滙處
一邑關闌雙峰高峙蒼翠如畫舊志十景岐岫紫
烟卽此

又南爲懸鍾所其高峰突起海上重重盤錯如菡萏
之露晴波與南灣大尖相拱揖南則汪洋一望無際
矣其城內曰果老山

居城中恠石窿從八峰環拱一名古老俗曰八仙

詔安縣志

卷之三

方輿

十三

二百九十三

朝古老姑蘇蔣基鑄其石曰青蓮聳秀溫陵鄧鍾
鑄曰海國開文俞咨榮鑄曰山城出色尹瑾鑄曰
水遶懸城其八峰曰凌雲曰綠屏曰龜陰曰玉陽
曰璞玉曰鼎耳曰璧石曰玉柱

東峙者曰東山

又曰湖仔山上有墩臺分守蔡公潮鑄大石而詠
八景有詩詳藝文

曰內巔

狀如神龜與洋林大礮謂之龜蛇相會中有巨石
如牛潮滿則沉潮退則見以塞水口

曰外巔

中多奇石多集海鳥

曰勝灣

城西南面對南灣水通柘林等處其上爲南山墩其平處爲天妃廟上有大石鐫守在四裔四大字望陽臺

南門外有石甚巨高聳秀麗阮撫臺嘗駐于此異其石而名

曰洗馬河

居東山之下周圍百丈歲納課米今爲附近居民

詔安縣志

卷之三

方輿

十四

二百五十二

侵占爲田園池塘只有數十丈

七洲巔曰蛤洲敏洲紅洲臥崗洲蛇洲獵洲

俱在北門內江一派離城六七里羅列雖爲詔之水口實爲懸之羅星惟蛇洲附于五都之海口離懸鍾所有五里許

邑治之東繇漸山穿海者曰五都其山曰長山

海中石骨水汐脊現潮至則兩面合潮退則兩水分另浮一洲曰大磓巔容數十家俗云繇此度海過脉皆訛特扶峽耳

曰龍峰山曰大金山

中龍發脉之處

一支曰卿內山一支曰大嶺尖

繇河西嶺之西路

曰大夫山

俗曰大埔中龍將脫平度峽處

曰金誥山曰雙髻山

卽金誥之分支色蒼如鬢

曰南山

朝陽晚暉霞光如畫

曰雙壁山

詔安縣志

卷之三

方輿

十五

二百二十

俗呼松栢門如溫陵獅山

曰石鼓山

高如建牙有巾子石分一支曰霞嶺有仙桃洞香

泉諸勝

曰羊角山

在五都之中山東上社之初落繇石鼓諸峰度峽而來雄秀巋然松石蒼鬱峰頂石屏屹立傍一巨石共本雙岐類魁頭羊角按山堂肆考載山之有角者曰巘一在西蜀一在閩東南海上此或其山中石鼓石船魁占鰲頭研池嘯臺風動石諸勝

西有青雲洞洞背三鯉石有鳳尾松太史黃道周評此山松石爲漳之勝又云此山周遭五里而有五百里之勢分守道蔡公潮題曰金牛山下爲張塘土堡張敏張廷範之里廷範所著有山居十六景羊角雄風雙髻閒雲東山宿霧南陸晴霞後屏梁峰前矛大帽川陵揭榜前山勒馬瓊峰大士瑣峽游魚海色浮光方塘鑑影當案寶鑪射斗雙劍奎聚員墩玉液乳泉皆此山映帶之勝

前崗山

繇羊角之風動石穿田度峽聳起巉巖列三大巒詔安縣志卷之三方輿十六三百三十一中出者曰佛揖山近南者曰虎公山近北曰虎婆山山有瑞應則鳴吼如風雨聲近南鳴者應下社近北鳴者應上社屢驗不爽

佛揖山又曰三台山

員秀跂立在羊角山之左肩從前崗山度峽林而興林日瑞楊觀吉之里逶迤起伏繇赤山至銅山而止逆轉一支爲將軍按劍山與之對峙又五里則爲銅山古雷山諸名山詳鎮海志

曰赤山

在佛揖山之東舊有巡司堡後廢爲漳潮司移駐

分山關山色赭如丹霞走海爲瑣峽游魚
其東南負海之高而拱對者曰大帽山
在五都之南泊浦村其山高聳爲五都第一宋丞
相陸秀夫扶帝昺泊龍舟于此舊志并載陳宜中
然陳已先時

高峙于東隅者曰東山亦曰蘇尖山

在五都東南隅海濱半入海俗傳帝昺南渡將都
南澳築此爲東京地遂缺陷爲海明時城堞尙存
自山巔下向海莫窮其際海中尙有木頭竹藜潮
退風靜都人駕舟取焉四時有雲則雨其峯青聳

詔安縣志

卷之三

方輿

十七

三百三十八

秀麗爲都第一東面列城垣者向銅山渡海文筆
挿天故科第踵出西向五都藉其勝槩又銅山志
云城南十里屹峙海中一尖獨聳如筆長屏迤邐
突出岐山形如雙髻東行入海者一西臨長道者
二自卑而漸高屯道聶公稱爲童子騎馬上天臺
又其傍曰瓊山曰川陵山

狀如列榜俗呼爲揭榜山爲飛沙所埋幾沒其脊
望之如玉雪上有墩臺其下有湖水焉又銅山志
載白沙山川陵之右堆沙發脉又曰蒼陵
曰虎岡山

與川陵山相接四時起霧必有雨其峰員秀蒨麗
曰勒馬山曰五龍山

又曰弇山後平原中有雙飛石望之如雙鳧亦如
雙劍

曰金石山

舊有巡簡司今除

曰東嶺山

近銅山銅志水寨之右與東坑接壤有巨石倚疊
如屋

曰水寨大山

詔安縣志

卷之三

方輿

十八

二百〇七

近銅二里有撲頭石通接官亭平處有田又有龍
潭下注大旱不竭上多怪石如獸有鯉魚石其內
有石室二山雖載銅山實五都地

海中則有虎仔巔南村巔崎巔流灣巔犬眠巔

五巔在川陵南大海中

鐵釘巔鷄心巔

川陵東

五巔東巔南巔

俱川陵東

而最奇爲大甘山小甘山

在五都東南海中遠視若有一小髻天將颶風驟
雨其狀變幻若屏若屋若獅象之形四面皆海中
有一井水獨淡俗傳仙人遺柑其上故名晴明時
望見風濤則隱如無一潮水可至

烏石坪山

海中列屏如黛周圍數里詳銅山志

繇大帽而西曰厩下山

卽洪淡司走馬溪

曰吉貝巔

俱海中與懸鍾接界

詔安縣志

卷之三

方輿

十九

二百六十四

此皆環海之錯立而爲一邑之羅衛者也

詔東南皆大海

其通于三都者縣南東兩大溪會注沔洲至懸鍾
門赤石灣與大海合一港通四都梅洲上湖地方
從港口官渡入一從懸鍾口松栢門渡經大礮巔
出銅山至天京門皆五都之環帶浦之梁山古雷
山圍障如池潮汐有候可以掌推詳潮汐說
共大者曰東溪

在縣東源出平和之大溪山入詔安赤嶺村過白
藤徑林婆畚小篆溪自南會樊沙溪自北會南至

河竈徑歷麻寮西南受白葉洞水抵南坑馬洋後復北注經大布寨走馬塘出金溪下石壠至溪東村長田塘東諸溪水南注至站前渡乃折而東至南山橫嶺渡入海其支流一繇官洋頭上流至東沈村爲新溪一繇東門屏過林家港至洋尾渡同入于海

上流爲站前溪

卽東溪上流溪之上有新橋址舊爲適粵之路

塘東溪

源出二都下河山至塘東村跨有石橋歷岑頭黃

詔安縣志

卷之三

方輿

二十

二百六十四

塘諸水至赤水溪會于東大溪

赤水溪

溪經東鄉與磁窑溪會東溪水赤色其合流處丹綠不混詳有蹟志及十二景圖志

其獨趨于海者曰港頭溪

源自長坑五斗過磁窑等村至港頭會湖水經平寨溪橋至象頭入海

大陂溪

在二都經馬洋山至大陂南繞梅州村復抵漸山而入海

走馬溪

在五都距懸鍾梅嶺俱二十里其地要害

坑內溪

在五都源出卿山之左大嶺之右注于下湖港西
埭與海水合一從嶺左西入內海俗傳山西豐年
則西水旺山東豐年則東水旺亦靈跡也

水之滙者爲龍潭

在三都週迴六七里其深不測有龍出沒故名灌
田數百畝禱雨多應潭自石壠而下雙港而出滙
爲大浸一在五都詳古蹟志水從石壇溪從雙髻

詔安縣志

卷之三

方輿

二十一

二百六十二

山麓入海

井之冽者七星井

宋人開鑿以上應七星者一在城北真武廟前一
在城東南官井巷一在縣南平寨村一在縣南徐
渡村一在縣前盧家巷一在縣東洋尾村一在縣
西今已湮塞詳漳浦古志

石井

在洋尾山畔有一大石橫豎中有兩孔泉勢沛出
雨不能溢旱不能涸

龍窟義井

五都東坑詳銅山志一名獅井在五都羊角山下
山石帶霧膚寸則井水深一尺

玉泉水

在九侯山一大石北向中起一乳有泉流出飲之
愈病一在五都羊角山之麓石堡之內當曾一帶
鬻沸流注不以旱乾暫色類乳青囊家謂金牛乳
云張廷範山居十六景有玉液乳泉

古以爲名川而今闕其地者曰石墜溪

杜氏通典載漳浦隄西北到石墜溪一百五十里
淳祐志云石墜渡有靈著王故壘及磨劍石唐人

詔安縣志

卷之三

方輿

二十二

三百六十

杜岐公作通典載臨漳石墜渡是時去垂拱未遠
必有所考又云見蔡如松十辯按淳祐志本文則
當時亦不知其處矣正德志漳浦縣下註云石墜
溪在西南界盡處又引舊志以爲江西閩廣之交
諸惡少出沒其間昔人有屯營之跡焉本名石墜
鄉人訛爲石神其流惡人涉之兩足皆黑謂之烏
脚瘴又未知所引舊志何志也而癸酉志直以屬
詔安之二都與通典及淳祐志俱不叶今查漳浦
西北大峰山之東有高坑石墜前亦有渡流經銅
壺下小溪經南靖龍溪入于海鄉人呼爲石神而

無烏脚瘴事其大峰山又有別流下詔安東溪入海者是漳浦西南非西北其靈著王磨劍石在雲霄六都豈石墜亦有是石耶宜闕以俟知者沈存中筆談載漳州界有水號烏脚溪涉者足皆如墨飲之則病瘴行人皆載水自隨梅龍圖素多病預憂瘴厲爲害至烏脚溪使數人負荷之以物蒙身恐爲毒水所霑兢惕過甚忽墜水中自謂必死然自此宿病盡除無復昔之羸瘵昔人引用似亦有誤山川美惡時或能異而東西似不可易唐人所據者州輿圖經筆談或好怪乎

詔安縣志

卷之三

方輿

二十三

二百九十九

繇詔安海門出西南半日程爲南澳山砥柱海中週二百餘里

明萬曆四年築城周圍五百丈有總兵府巡海道海防館衙門副總兵一員駐焉今城已毀復議建築

其山之遠者曰黃芒山

長二十里逋逃之民居焉伏險竊發信地之最切者

曰青峙山

有海濶天空四大字

曰獵巖山

高百餘丈長二十里山中可樵牧繇水三里至其環于城之左右者爲白沙灣隆灣

中多平田賊酋許朝光舊巢

洋峙

中多平田漳潮民雜處耕佃于此

錢灣

每歲或水湧起沙中有金錢出現

宰豬灣

卽吳平舊巢

詔安縣志

卷之三

方輿

二十四

二百四十九

其古蹟有雲蓋寺見寺觀

舊爲三寶寺時有雲氣遮其上今址猶存

有太子樓

去寺二里宋出帝避元兵于此見古蹟

其遞南則爲潮之澄海潮陽焉

論曰舊志謂南灣雖兼屬廣潮而與懸鍾所對峙一葦可濟實八閩之門戶而清漳之咽喉也向許朝光吳平一么麼爲梗巢穴于斯費兵力百萬而後定當道始議設鎮建雉可謂得長策矣其規制方略自有成書崇墉言言比閭成聚伊誰之烈乎

因裒以附詔山川之末簡云今自蕩平臺灣以來
仍設總兵官坐鎮于斯汛兵戰艦整齊完備方在
兩省會議估計工料 題請興築澳城又分隆深
雲青四灣而雲青兩灣田糧鹽課增入詔安全書
徵解考成是澳內之疆域原半隸于詔安則澳內
之山川亦詔安之山川矣附云乎哉至論南澳之
全勢爲門戶爲咽喉莫詳于戴冠所上經略一書
載藝文志一覽無不瞭然任地方之責者其可不
知地利乎

附潮汐

詔安縣志

卷之三

方輿

二十五

三百七十

舊志云山海經獨稱閩在海中爲岐海漳海爲天之
東南隅而詔安尤漳海之盡處也詔之海有三派一
繇銅山所之大京門入于五都百浦走馬溪止一繇
懸鍾所北港門入經漸山滙于梅州上湖止一繇懸
鍾南港入經卸石灣繞縣治至甲洲止潮汐者長爲
潮退爲汐匪朝至夕至之謂也而古今論潮者不一
或以爲海鱗出入或神龍變化或日出于海或天河
激湧皆居中土不習見潮者之論夫天地間唯一氣
耳海潮者地之喘息耳記云卯酉之月氣以交而盛
朔望之日氣以變而盛故潮獨大此以餘月餘日論

也周翠渠云海居地上地有俯仰潮因有往來氣升于北則北盈而南虛地必南俯故潮皆南趨氣升于南則南盈而北虛地必北俯故潮皆北趨此以地乘氣潮因地論也惟俯仰之形與喘息之義略有異矣月臨于午爲長之極歷未及申酉則極消月臨于子爲長之極歷丑及寅卯則極消此以太陰之天盤論也若每日之子午亦有潮退每日之卯酉亦有潮至于八時皆然晝刻不見太陰安得復論天盤乎余安道云海之極遠者其得氣尤專故潮亦因之東海南海其候各有遠近之殊豈非方之不同而氣有獨

詔安縣志

卷之三

方輿

二十六

四百一十二

盛與若晝潮大于春夏

夜潮

大于秋冬潮之極漲常在

春秋之中濤之極大常在朔望之復則天地之常數通四海皆然者漳人之候潮也夜則以月晝則以時于指掌中從日起時順數三位長半滿退半盡以六字操之無毫髮爽海上漁者于海嘯則知風海動則知雨潮退則出潮長則歸其方言云初一十五潮滿正午初八二十三滿在早晚初十二二十五日暮潮平又云月上水翻流月斜水半月落水汐盡潮則呼曰南流上汐則呼曰北流落至于駕舟洋海雖憑風力亦視潮信以定嚮往或晦夜無月惟瞻北斗以爲度

至于口外之潮已平而內溪猶長則氣盛而未收俗所云港尾水又云迴流水是也海口以潮平爲度其穿達支流仍以百里而緩三刻不可以此而分遲速焉大率潮之消長每日而移一時潮之大小八日而經一變每歲則卯酉二月皆大而辰戌二月爲尤大漳海之潮與省會興泉不異若瓊海之半月東流半月西流桂林之子時潮上午時潮落紀傳所載波濤各殊奚敢爲之臆說

論曰舊志之論潮汐詳矣而亦有未盡然者如云潮之消長每日而移一時則歷十二日應一週矣

詔安縣志

卷之三

方輿

二十七

三百六十五

而潮候每歷十五日而一週以一日夜九十六刻計之每日當移六刻四分也然又有說焉逢月大則三十日潮固盈縮兩週逢月小止二十九日而潮亦盈縮兩週一年十二月潮旣盈縮二十四週閏年十三月潮亦盈縮二十六週以此推之似乎從月之說爲長而諸說盡可刪耳

古蹟

地閱人而蹟以著人閱世而古以名因其蹟以想其人百世猶堪興起生乎今以溯乎古千秋亦可考求實關數代遺風豈曰文人好事詔安地多標

異人莫耽竒縱有舊聞半歸湮沒然卽如九侯山
傳五儒之講學石榴洞誌廉獻之讀書皆足與山
川並流峙于不朽矣因繼山川而志古蹟

超然樓

卽縣門鐘鼓樓明嘉靖間知縣尤敷建萬曆間知
縣黃元立署聯有敲殘玉漏千家曉喚醒鷄鳴一
點眞之句

丹詔書院

在南詔場宋紹定間河西尉周申請于毘建鄉校
設講堂置二齋曰養正曰明善立聖像倣邑學之

詔安縣志

卷之三

方輿

二十八

二百七十六

制後尉葉暉繼之謀建祠宇堂長阮汝良糜錢二
十五萬營構以就聖像端嚴賢哲布列倣古鄉飲
酒禮落成焉莆陽馬鑾記狀元黃朴題扁今廢見
癸酉志宋末胡類以文學辟爲丹詔書院山長見
胡氏家乘

石屏書院

在四都漸山麓宋陳景肅講學處

新成書院

在縣北門內舊爲老子宫明嘉靖間知縣吳桂改
建今廢

東瀛書院

在懸鍾所城內卽文公祠明嘉靖五年分守叅政
蔡潮毀西庵佛堂所建也扁係蔡潮手書詳祀典
志

漸山書院

在漸山宋時建陳格之亡兄植斂袍笏招其魂靈
葬于此今廢

傍江書院

在沔洲明初陳汶輝隱于此有傍江書院十八景
詩

詔安縣志

卷之三

方輿

二十九

二百

九侯書室

在九侯山宋禁僞學有五儒講學隱于此姓名詳
山川志今爲僧院

明義堂

在北關外詔士講業處

許弘道先生義學

在縣北新安村元季明初兵火時人皆賴以知學
龍山蒼室

林邁佳建奉伏羲大禹文王周孔五聖圖像今被
賊毀

臨江亭

在甲洲明洪武間徵士陳元震隱于此見府志
石橋觀音亭

在東門外石橋頭明天啓間邑人沈鈇建

草叅亭

在三都明崇禎間邑人沈起津建有詩載藝文志

鳳山亭

在鳳山舖嶺上明萬曆間知縣鄭化麟建亭北有
寺祀觀音大士

望洋臺

詔安縣志

卷之三

方輿

三十

二百三十一

在懸鍾城南疊石凌霄俯瞰大海高七十餘丈四
望無際明嘉靖間蔡分守潮鐫其上曰望洋臺
志作望陽

九侯巖

卽九侯山今爲祝聖道場宋淳祐五年重修天門
石鐫九侯名山四字元大德間僧無礙書詳山川
志

妙方巖

在二都小篆山巖前丹黃二桂大數圍秋空萼吐
異香滿壑距巖東北十餘里有桂花坑叢山皆桂

花開香聞十里惜乎林巒幽僻名人韵士所不經亦叢桂之不遇也

斗頭巖

在城西三十餘里古傳出聖僧見漳浦古志

赤坑巖

宋時有寺香火甚盛屬于潮磴道石砌逶迤多致明萬曆間邑人沈鉄卽遺址重建

小溪巖

一名石雲巖在華山巖十里許亦古道場極山水之致

詔安縣志

卷之三

方輿

三十一

二百三十七

華山巖

在九侯巖西名曰橫山山徑幽絕巖傍有金剛石人山門有石澗沿十餘丈巨石雙覆若門因榜其石曰西天門

源花巖

在縣西北三十里自東溪遡舟經龍潭可徑抵由巖而上里許有石洞幽絕可坐百人巖下灘有釣磯相傳爲五代羅隱垂釣處

石榴洞

在四都漸山宋嘉定間里人陳景肅讀書其處種

榘數百本後鄉人楊仕訓仕謹吳大成薛京楊柔
楊耿相繼講學于此詳山川志

青雲洞

在五都羊角山西巒石嵌崆玲瓏可以藏書內有
石牀後有三石筍如魚狀昂首向天絕類武夸差
肩石宮坊黃道周與里人張廷範倡和題詩其上
大果湖
在二都湖山盤礴十里許可種作氣多寒雖盛夏
若隆冬然

赤水

詔安縣志 卷之三 方輿 二十二 二百八十一
卽赤水溪沛出溪東色赭如黃河水與東溪合丹
綠分道雖合不混舊東海有赤水每年冬至前按
候而出海中一條赤色如血五都赤山地方漁人
于是時取青魚魚甚大名赤水烏

龍潭

在三都離城二十里許潭深莫測亂流怪石不可
名狀常有神物出沒其間早年鄉人于其上禱雨
輒應一在銅山界一在五都卿山鄉卿山潭兩石
夾峙飛泉噴聲若雷年旱都人背佛禱雨輒應

靈芝石

在五都前埔遠視之如靈芝一莖獨峙近視如香
爐高高可丈餘

香爐石牛眠石雲根石

俱在九侯山

鯉魚石

在九侯山巖之左側昂首仰天高數十丈飛泉湧
浪在其下志中各景多有題咏而茲石爲茲山之
第一勝景前山川志俱未詳何也

風動石

一在五都南山一在五都港西鄉羊角山之後一

詔安縣志

卷之三

方輿

三十三

二百三十八

在銅山所城內

東京遺堞

在五都蘓尖山詳山川志

太子樓

在南灣宋出帝避元兵于此

塚墓

昔人有言曰墓者暮也長夜不復旦矣此蓋爲庸
衆言也又曰墓者慕也謂人有功德于世卽千百
年後人猶見其墓而興慕焉此爲賢者言也詔邑
古墓纍纍幾同蔓草寒煙而載于舊志止十餘所

不必翁仲輝煌華表赫奕凡登丘望壠者未施敬
而知敬未施哀而知哀非重其墓重其人也然則
死求不朽而爲石槨何如生爲可慕而任泥封哉
若曹瞞之七十二塚塚愈多而唾俞衆豈不愈可
畏耶爲死者傳實爲生者勸此志意也志塚墓

翁瓊州待舉墓

陳光祿景肅墓

在漸山麓西姑庵口

在竹港知州山後

吳叅軍大成墓

鄭太學柔墓

在漸山西北麓

在道上掩

薛太學京墓

詔安縣志

卷之三

方輿

三十四

二百五十一

在白石山南圍

楊太學耿墓

漸山西張人墓已失其處

楊永福仕訓墓

陳都尉植墓

在官陂南

在大岐坑

陳監簿格墓

沈省元子眞墓

在方岐前岐頭

在四都

陳少傅汶輝墓

許處士福海墓

在懸鍾仔

在磁窰飛鳳山

許平樂潛墓

吳文學朴墓

在磁窰大林谷

在下尾村

蔡淳安方平墓林民部而興墓

在竹港

風俗

千里不同風百里不同俗史無臚載者載之自應
劭風俗通始其後荆楚歲時記東京夢華錄皆昉
于劭而翹邑志亦不廢焉大約率土風俗有終古
不變者北方之剛勁南方之柔弱是也有隨時漸
移者夏商之忠質成周之尚文是也故曰自儉入
奢卽自盛入衰之兆也近來風俗莫不皆然惟詔

詔安縣志

卷之三

方輿

三十五

三百一十八

邑稍隣于野而猶近于古一歲之中雖多不經之
賽會昔子貢觀蜡以爲狂夫子曉之曰百日之勞
一日之澤蓋因民俗而不嚴爲之禁要在去其太
甚而已況天道十二年而小變王仁三十年而必
周持挽之權隱操于一二齊家治國之賢士大夫
隨機化導其容忽諸志風俗

元旦早起禮神祈年復祭先世

立春前一日有司迎春東郊備儀仗優伶前導市中
多春鷄春餅之屬

元夕張燈凡家廟神祠皆有之輝煌奪目其日迎關

聖閱社有綵棚褻尊應罷

清明祭塚壺漿絡繹郊原

四月八日僧童于半月前舁佛像沿門作歌索布施
謂之洗佛

端午日家食角黍採艾與蒲共懸之兒童臂係五色
縷復以繭作虎子帖額具如他邑俗而競渡之風尤
熾焉其日唐將軍裨將祀于詔者社中人鼓吹具儀
各導其神覲于將軍之廟謂之貢王
七夕瓜果乞巧亦遽爲宴飲

中元人家各祀其先以楮作五色綺繡之狀焚之云

詔安縣志

卷之三

方輿

三十六

三百二十八

爲泉下作衣裳所在爲盂蘭會傾動一時其豐潔續
紛之美倍于他邑夜則放燈水中千百熒爛群觀塞
途絲管歌簫徹夜不減上元佳景

中秋祀土神蓋古人祭祀之禮春祈而秋報也士大
夫于是夜置酒酣宴以續幔亭曾孫鄉村人作社事
尤爲騰踴山橋野店歌吹相聞謂之社戲

重九載酒爲登高之會仍餘茱萸遺意漳南菊開稍
遲鬻得一二本價可數倍

冬至人家作米團而食謂之添歲門扉器物各以一
丸粘其上謂之飼耗

臘月二十四日拂室塵俗傳百神以是日上閭闔謁帝每神祠及人家俱備物供養畫幡幢輿從于楮上焚而送之謂之送神至孟陬四日具儀如故謂之迎神

按東京夢華錄云二十四日交年都人至夜請僧道看經備酒菓送神燒合家替代錢紙帖竈馬于竈上以酒糟塗抹竈門謂之醉司命夜于狀底點燈謂之照虛耗此日蓋自宋重之矣

除夕祀先禮神黃昏門外爆竹老幼團席據爐而坐謂之守歲

詔安縣志

卷之三

方輿

三十七

三百六十

由人情曰風維習俗者禮民俗相沿土風各異儀文縟節遠近參差而冠婚喪祭其大者也家禮一書所以整齊風俗家遵戶守可免似是而非詔邑諸儀雖未盡洽家禮而遯源敦本猶爲近之自疊遭兵燹以來小民粗安陋室而卜擇先塋著姓未構華堂而經營家廟故福建通志稱漳州在無諸國爲最南生齒繁茂物產綺麗自朱熹作牧以來所部名教經術久爲沾被歷明迄今餘風流韻猶有存者人材輩出科名鼎盛地雖僻居海濱實爲閩南奧區但俗尙骯髒頗稱強悍內實畏法而懼罪云

論曰舊志謂政純者其風茂政龐者其風靡風俗亦政治攸司故古者采風貢俗譽其貞慤澆淫之故以施開導補救之權關係匪淺也詔于漳屬爲極遐之邑土瘠民勞俗厭浮麗美衣華冠鮮車怒馬之容不一二睹稱最朴矣商船浮海攘利著姓恥于服賈雖婚姻不甚擇壻在門戶爲主而娶婦無不親迎者讀禮無不終制者雖剛氣喜鬪黠心健訟惡少逞嘯聚之爲游手輕擄菹之擲亦不盡無而教子讀書崇師禮傳之盛雅自坊市以逮村落皆然亦三代遺良也顧邇來則猶有可厭者尊

鬼佞佛男婦多茹蔬誦貝葉楞梵之宮爭爲檀越孟蘭之會浪費金錢則曩時所未甚有而今特熾矣獨是人文蔚興科第迭出較曩時亦加隆庶幾海濱鄒魯云匡其敝而還其淳植其砥而防其潰是所望于當道者爾此蓋以持挽之權專責于當道爲政之賢而不及鄉士大夫匡衡曰公卿大夫相與循禮恭讓則民不競好仁樂施則民不暴尙義高節則民興行寬柔和惠則衆相愛是豈專爲當道爲政者言乎而惟孝友于兄弟獨非士大夫各當爲政于家者哉

方產

任土作貢大禹不責有于無也辨方定物成周不貴異于遠也詔居閩之極南雖疊嶂重山無所爲泰山金玉也亦帶溪襟海無所爲嶺海珠璣也氣早熱而土不宜蠶無所爲蜀錦吳紉也水宜舟而人不習騎無所爲厩龍塞馬也倣禹貢職方之式而約畧之其俗士農樵漁其物布帛菽粟田宜三熟畜宜五擾則詔之實錄盡是矣然因天地自然之利裁成而利道之亦何難于家皆給而戶皆豐卽如海塗所產鱗介之微隨人採取爲利奚窮私

詔安縣志

卷之三

方輿

三十九

三百三十六

一

則利偏公則利溥扶衰掾弊職在官司俾斯民知爲一方之公產非一家可得而私其所有也庶幾利溥而無偏耳志方產

穀之屬曰秔稻曰糯稻曰麥曰黍曰稷曰粟曰菽曰麻

帛之屬曰三紗布曰吉貝布曰白苧布曰生苧布曰麻布曰葛布曰蕉布曰兼絲布

器之屬曰錫器曰瓷器曰屨曰席曰枕

貨之屬曰銀曰銅曰鐵曰鉛曰水晶曰假山石曰鹽曰蜜曰糖曰酒曰麩曰藍澱曰油曰燭曰炭曰灰曰

薯榔曰黃蠟曰礬

蔬之屬曰芥曰蘿蔔曰油芥曰芥藍曰薤曰波菱曰
倭菜曰浮藤菜曰枸杞菜曰芹曰莧曰蕨曰笋曰石
花曰海苔曰紫菜曰赤菜曰虎栖菜曰木耳曰薑曰
葱曰韭曰蒜曰胡荽曰香菰

蔬之屬曰瓠曰匏曰壺曰西瓜曰冬瓜曰菜瓜曰王
瓜曰苦瓜曰絲瓜曰胡瓜曰茄曰土瓜

果之屬曰荔枝曰龍眼曰柑曰柚曰橘曰甘蕉曰柿
曰桃曰李曰梅曰楊梅曰香緣曰葡萄曰黃彈子曰
榴曰餘甘曰橄欖曰棗曰甘蔗曰楊桃曰諸蓴曰甘

詔安縣志

卷之三

方輿

四十

三百五十六

藟曰芋曰椎曰椹

藥之屬曰黃精曰菖蒲曰天門冬曰麥門冬曰枳實
曰乾葛曰紫蘇曰苽蓼曰卷栢曰蒼耳曰苦參曰小
茴香曰射干曰薄荷曰稀莧曰艾曰天南星曰花椒
曰益母草曰山梔子曰使君子曰香附子曰決明子
曰金樓子曰甘菊花曰金銀花曰吉鈎藤曰蓖麻子
曰車前子曰五倍子曰桑寄生

木之屬曰梧桐曰松曰栢曰槐曰楓曰樟曰柳曰垂
絲柳曰榕樹曰桑曰杉曰檫曰柯曰油桐

竹之屬曰桂竹曰麻竹曰猫竹曰苦竹曰赤竹曰石

竹曰綠竹曰簾竹曰黃竹曰鳳尾竹曰金絲竹曰斑竹

花之屬曰桂曰蘭曰梅花曰桃花曰碧桃曰川茶曰山茶曰海棠曰瑞香曰茉莉曰菊曰芙蓉曰山丹曰蓮曰薔薇曰石榴花曰紫薇曰紫荊曰指甲花曰龍船花曰鷄冠花曰萱曰鹿葱曰金鳳曰剪春羅曰寶相曰長春曰麗春曰樹蘭曰賽蘭曰紫蘭曰鷹爪曰噴雪曰紅蕉花曰胭脂花曰素馨曰錦繡毬曰含笑曰夜合曰玉簪曰水仙花曰七里香花曰木槿曰木蘭曰蜀葵花

詔安縣志

卷之三

方輿

四十一

三百四十一

草之屬曰鼠麴曰仙草曰蒲曰藻曰萍曰虎耳曰鳳尾曰龍舌曰香茅曰蘆曰仙人掌曰燈心草曰獨帚曰淡芭菰曰野葛曰垂階草

畜之屬曰驢曰馬曰騾曰牛曰羊曰猪曰狗曰猫曰鷄曰鴨曰鵝曰鵠

毛之屬曰虎曰豹曰熊曰鹿曰麀曰豺曰狼曰麕曰猴曰猿曰狐曰兔曰獺曰山犬曰野猪曰豪猪曰狸曰鼯鼠曰山鼠

羽之屬曰鵲曰烏曰鳩曰雉曰錦鷄曰白鷗曰鷹曰鷓曰鳶曰鸛曰鸛曰竹鷄曰鷓鴣曰鷓鴣曰杜鵑曰鶯曰鵲鴿曰鷓鴣

百舌曰吉弔曰畫眉曰山胡曰白頭翁曰燕曰雀曰
布穀曰鷓鴣曰伯勞曰鳧曰鷗曰翡翠

魚之屬曰白鼈曰石首曰鯉魚曰鯽魚曰鰕魚曰烏
魚曰子魚曰馬鮫曰鮠魚曰魴魚曰魮魚曰鯪魚曰
鮳魚曰勒魚曰敏魚曰貼沙曰鰻魚曰銀魚曰金魚
曰赤鬚曰黃穉曰烏頰曰方頭曰章魚曰石拒曰鎖
管曰猴染曰鮓魚曰鱠魚曰油筋曰涂魚曰黃多曰
赤魚曰柔魚曰黃爵曰青鱗曰燕魚曰帶魚曰溪鱸
曰鮓魚曰鱮魚曰潭捕

介之屬曰龜曰鼈曰鼉曰鼉曰鬢曰蠃曰蠃曰蟬曰螻曰虎獅

詔安縣志

卷之三

方輿

四十二

三百七十六

曰彭蜺曰金錢蠃曰蚶曰牡蠣曰車螯曰石蛙曰水
龜曰蝦魁曰蝦蛄曰蝦曰苗蝦曰香螺曰紅螺曰梭
螺曰田螺曰西施舌曰淡菜曰海月曰蛤曰沙屑曰
沙白曰海膽曰江蟻曰螳曰竹螳曰烏粘曰蠟曰空
豸曰江瑤柱

此極稀貴但時有之

蟲之屬曰蠶曰蜂曰蟬曰蜻蛉曰蝴蝶曰蝙蝠曰螢
曰蛾曰蠅曰蚊曰蜘蛛曰螳螂曰螽斯曰蟋蟀曰螻
蛄曰蚯蚓曰蟻螂曰蟻曰蛭曰斑貓曰果蠃曰螟蛉
曰蚱蜢曰蠅虎曰蝸牛曰蝦蟇曰蟾蜍曰水鷄曰樹
蛤曰蜈蚣曰水蛭

論曰五方之民皆不能無所賴以爲利也近于山者利卽在山近于澤者利卽在澤而山澤之利多
有藉于人功關於國課者則公產槩成私產蘇子
所謂物各有主苟非吾有一毫莫取也惟詔海所
產魚之屬四十有二介之屬三十有七半取于海
水之中半出于海塗之上上無分屬之國課下無
獨任之人功所謂天地之無盡藏而吾與汝所共
者也濱海之利莫公于是乃自前代以來勢力之
家踞爲私產貧民其奚賴哉適值里民爭利疊訟
具詳道府兩院禁革私佔還之小民利弊情由備
詔安縣志

卷之三

方輿

四十三

三百六十一

悉三詳因附于左俾後之君子共知釐剔文之工
拙所不計也

康熙二十九年四月十八日申詳

撫督 兩院

漳州府詔安縣爲違禁私佔罔利害民事康熙二十
八年十月初三日奉本道批據詔安縣民陳四具急
奏天討事狀告鄭登智等霸佔海塗仰詔安縣查報
蒙此審看得海爲官海而宦族豪民輒私佔以爲己
有致濱海小民不得公取以爲利此詔邑之積弊亟
宜嚴禁以甦殘黎者也蓋詔邑沿海爲邑地瘠民貧

殘黎所藉以資生者尚賴有沿海之利可供採取耳
凡力能造船者則自造漁舟乘潮捕魚而無力造船
者則赤足提筐候潮退而踏海塗採取蝦蛤易米賣
錢此蓋自然之利則凡濱海之處理宜聽從民便隨
方採取豈可私佔以爲己利乎乃詔邑流弊竟將官
海乘勢私佔大約宦族豪民迭相把持或宦族指海
爲田小民望洋而興嘆卽豪民插箐爲界隣里裹足
而莫前以致衆心不服爭論日多爭論不已訐告日
煩此控彼佔彼訴此侵釀訟之端莫此爲甚卽此四
都一方之海塗昔爲沈宦所霸里民上控曾于前朝
詔安縣志

卷之三

方輿

四十四

四百〇十

天啟七年勒石永禁近于康熙二十七年鄭姓與李
姓相爭而告縣告府案已盈寸今陳姓又與鄭姓相
爭而上控憲轅若非仰藉憲威嚴禁私佔不第沿海
里民構訟不休而且天地實與殘黎以資生之路乃
被宦族豪民奪其謀生之策是亦天地之所抱憾而
不平者也倘蒙憲恩垂念濱海殘黎因一方之告發
特賜憲示曉禁沿海居民俾得勒石凜遵則憲澤之
優渥不止等于海水之汪洋而實同于天地之高厚
矣至審鄭登智之敢于私佔而無忌者因二十七年
與李姓相爭控縣求署印一示以爲把柄故旣肆東

封又欲肆其西封耳除將所佔海塗聽近處居民隨便採取外仍予一杖固不可縱原告陳四雖多同姓住居詔安四都而四實住居龍溪縣城並與所爭海塗不相關涉明係包攬告狀以漁衆人之利者併予一杖亦不爲枉至陳四又訴添每人下海抽錢叁拾文果有此情豈有不織入原詞之理而乃爲蛇足之添耶明係告准之後串通証佐同聲附和耳餘犯悉係株累槩先省釋鴻恩出自憲臺非職所敢擅便等情於康熙二十八年十一月初九日備由詳覆本道在案蒙批據詳鄭登智私佔官江應予重杖不枉仍

撤回署縣告示無使奸民藉爲口實陳四包攬告狀亦屬刁徒依擬杖做其私抽遊兵鄭平晏鄭沈等仰縣各責三十板免擬具報仍禁將來餘俱如詳發落繳等因在案又于康熙二十九年三月初一日奉本府批據詔安縣民周士元狀告前事仰詔安縣查報蒙此又看得沿海泥泊乃詔安之一大利弊也傍海爲邑地瘠民貧而殘黎猶得以資生者惟賴海塗採捕不費工本不需船隻潮退携筐拾取蟹蝦蝟蛤易米賣錢此一方自然之利也而詔邑痼弊大約有三偶有科甲儼然夜郎之大卽截佔海塗以爲子孫世

業貧民裹足不前欲往採捕必納私稅此弊之在于
依勢者一又有巨族自恃丁壯之多亦截佔海塗以
爲一姓私業小姓望洋興嘆偶往採捕輒被擒毆此
弊之出于恃力者二二弊並行結訟不休此告毆命
被告侵佔被告負欠此告勒詐而倚勢恃力之家訟
必求勝卽將多收海塗之利以爲打點衙門之費問
官入其彀中不念小姓貧民之苦竟將官海官塗斷
歸倚勢力之人而且或批執照或給告示隨其所求
無不從欲此弊之由于行財者三而行財所藉爲口
實問官所據以枉斷者皆以戶有課米爲詞不思海

詔安縣志

卷之三

方輿

四十六

四百一十

濱之民戶戶有米米之多寡照丁而課非照塗而課
也就如十里之海塗有一丁者卽聽一丁採捕有十
丁者卽聽十丁採捕丁少米少而採捕亦少丁多米
多而採捕亦多不均之中正有適均者在何竟不明
此理而截斷一方之海塗以歸丁多之族而令沿塗
丁少之民別尋遠處採捕定案給示眞釀訟無窮而
貽害不淺者茲蒙憲批周士元等連名一呈雖係匿
名而去冬奉批急奏天討一詞已經逐一審詳在案
仰惟憲臺特秉海國之權衡深矚海疆之利弊查閱
前詳特賜禁示俾久痼之人情一朝驚醒素昧之天

理立地喝明海利咸公訟端永息一洗從前之穢跡以開日後之財源庶小戶得生貧民有賴矣等情于三月二十二日備由詳覆本府蒙批海塗聽民採捕不許豪強霸佔如詳仰候發示禁飭繳隨于四月初三日蒙發禁示一道爲違禁私佔罔利害民事本年三月二十六日據詔安縣申詳看得沿海泥泊詔安之一大利弊也傍海爲邑土瘠民貧而殘黎猶得以資生者惟賴海塗採捕不費工本不需船隻潮退携筐拾取蟹蝦蝸蛤易米賣錢此一方自然之利也而詔邑痼弊大約有三偶有科甲儼然夜郎之大卽截

詔安縣志

卷之三

方輿

四十七

四百一十

佔海塗以爲子孫世業貧民裹足不前欲往採捕必納私稅此弊之在于依勢者一又有巨族自恃丁壯之多亦截海塗以爲一姓私業小姓望洋興嘆偶往採捕輒被擒毆此弊之出于恃力者二二弊並行結訟不休此告歐命被告侵佔被告負欠此告勒詐而倚勢恃力之家訟必求勝卽將多收海塗之利以爲打點衙門之費問官入其彀中不念小姓貧民之苦竟將官海官塗斷歸依勢恃力之人而且或批執照或給告示隨其所求無不從欲此弊之由于行財者三而行財所藉爲口實問官所據以枉斷者皆以戶

有課米爲詞不思海濱之民戶戶有米米之多寡照丁而課非照塗而課也就如十里之海塗有一丁者卽聽一丁採捕有十丁者卽聽十丁採捕丁少米少而採捕亦少丁多米多而採捕亦多不均之中正有適均者在何竟不明此理而截斷一方之海塗以歸丁多之族而令沿途丁少之民別尋遠處採捕定案給示眞釀訟無窮而貽害不淺者茲蒙憲批周士元等連名一呈雖係匿名而去冬奉批急奏天討一詞已經逐一審詳在案仰惟憲臺特秉海國之權衡深矚海疆之利弊查閱前詳特賜禁止俾久痼之人情

詔安縣志

卷之三

方輿

四十八

四百〇九

一朝驚醒素昧之天理立地喚明海利咸公訟端永息一洗從前之穢跡以開日後之財源庶小戶得生貧民有賴矣等緣由到道據此爲照海塗採捕之利乃海邊貧黎藉以資生苟入豪強之手則殘黎奚望保無向隅之悲乎旣經本道羅 飭批示禁去後自應凜遵痛改豈容故違明禁茲據該縣申詳前由合就出示嚴禁爲此示仰該地方保甲人等知悉嗣後海塗聽民採捕不許豪強依勢霸佔擅抽私稅敢有故違許地方保甲指名稟究定行差提審實從重究治如有受賄容隱不報或被告發或經訪聞該地方

保甲一體治罪決不姑貸各宜凜遵毋忽特示奉此
遵卽張掛曉諭外再看得詔安爲最小之僻邑偏有
極大之流弊惟邑小則易張威力而事多偏枯惟地
僻則遠隔

憲轅而人無忌憚其流弊所宜禁革者不可枚舉職
一到任訪求利害悉爲興除不顧怨言不畏強禦惟
矢一片之至誠以清積年之痼習應詳本道者詳道
奉行應詳本府者詳府批示原不敢以縣令職所當
爲力所能爲之事輕瀆

憲聞也惟有私佔海塗一事其弊尤甚竊思士子生

詔安縣志

卷之三

方輿

四十九

三百八十三

長斯邑讀書成名倖獲科第之選以膺爵祿之榮正
宜爲德于鄉施仁于里乃詔邑士紳全不曉此反逞
一時之威力奪小民公共之海利霸爲己有以私子
孫或指佔海塗幾里貧民裹足而不敢前或釘佔網
桁幾處漁戶艤舟而不敢近或佔官渡以爲私渡或
佔官濠以爲私濠橫行取租安坐收稅由身及子由
子傳孫竟將官物永爲私業因而後輩間起以及豪
族強宗群相效尤各自霸佔夫貧民住居海濱日有
蟹蝦蝸蛤可以採捕易米賣錢安能強制其不採不
捕略一採捕輒相爭毆叠起訟端皆私佔之爲害耳

職備查原由概爲曉禁雖申蒙本道嚴批詳奉本府
禁示在案但紳裔強族久奪小民自然之利以私于
一己今職一旦奪紳裔強族自專之利以還之小民
彼雖屈于一時之正理而終難絕其久年之貪心倘
職一日去任彼必將立時翻案仍肆霸佔而無所忌
憚職因備錄道府原詳詳乞

憲慈垂念濱海殘黎得以資生者全賴官海隨便採
捕或賜嚴示或賜嚴批俾卑職得藉

憲威勒石永禁庶紳裔強族共知遵守而貧民之沾
恩食德世世無窮矣至禁佔官海之外尚有里甲一

詔安縣志

卷之三

方輿

五十

三百六十

事夫皆爲子民各納丁糧卽有盛衰之不同豈容尊
卑之或異乃從前分爲里甲勢同主僕里肆魚肉甲
受欺凌此各處所未聞而一方可獨駭者自奉憲禁
又蒙遞發陳日汝鄭文郁等犯到縣枷示咸知創懲
惡習漸變而里甲之名猶存也再容卑職丈完田地
核實錢糧截長補短分撥平勻則不必另起爐灶而
里甲之弊亦可除矣職總欲盡除一邑之流弊以仰
副愛民之

憲仁合併聲明爲此備由具申

總督福建浙江等處地方軍務兼理糧餉兵部右侍

郎兼都察院右副都御史興 批詳前由仰布政司
確議詳奪繳隨蒙

署司督糧道馮 轉行漳州府查議蒙

署府海防廳齊 看得興大利者必先祛巨害撫窮
弱者必先抑豪強蓋去害卽所以興利摧強正所以
扶弱也詔邑僻處瀕海沿海之居民採捕海塗魚蝦
蜻蛤之類易米換錢以爲資生活計此天地自然之
利養斯蒼赤也輒有一種勢力之劣紳丁盛之巨族
或插箐而爲私界或釘桁而爲己塗將官海官塗霸
作己產己業必勒小民納稅方許採捕甚有踞佔官

詔安縣志

卷之三

方輿

五十一

三百六十二

渡霸奪官濠橫徵私租坐收私稅竟父以傳子祖以
傳孫以官物爲世守之私業以公利入獨得之私囊
此等流弊正宜嚴革前據詔邑頑民鄭禮喬私佔官
塗奉 前撫憲發前府審擬業經奉批鑄石永禁在
案茲據詔安縣申詳復蒙發府查議卑署府細繹海
塗係屬官塗自應聽民採捕自然之利公之窮黎其
豪強私佔霸奪海利所當嚴革鑄諸貞珉以垂奕禩
者也至里班欺凌甲戶視爲世隸之奴久爲地方大
害應行縣分撥均平然此歷來之錮弊欲清剔于一
旦非奉

○撫 兩憲主持 憲臺霜威恐縣令一官多爲掣肘俟其詳覆到日恭聽 憲裁可耳具由詳覆布政使司隨蒙

署司督糧道馮 查得詔安縣申詳海塗聽民採捕里甲分撥均平緣由奉 憲批司確議詳奪遵卽檄行漳州府查議去後茲據該府詳覆前來本署司遵查詔安縣沿海官塗濠原係居民採捕魚蝦易米資生此自然公共之利豈容劣紳巨族佔爲己業勒民納稅貽害編氓前經該府審擬詳奉 前撫憲鈞批鐫石永禁在案相應先從府縣所請公之黎庶禁詔安縣志 卷之三 方輿 五十二 三百七十一 其霸佔勒石遵守以垂永遠可也再查里甲一事閩省舊習最爲滋害本署司已于海澄縣里民陳日汝等阻撓均甲案內備陳改革將闔邑民戶大小丁米多寡應分應合嚴令有司秉公編釐造冊報繳通詳在案今該縣詳請截長補短分撥均勻事同一轍應否如詳統候批示遵行具由詳覆 兩院蒙 總督部院興 批豪強霸佔海塗不許窮黎採捕深爲民害如詳通飭沿海州縣一體勒石永禁取具各遵依及碑模送查至于均平里甲之舉已于案蠹未結等事詳內批明在案該司實力遵行可也仍候

撫院批示繳蒙

署巡撫部院興 批海塗公利豈容私爲己業如詳
飭行沿海各屬通行勒石永禁以除積弊至里甲一
事已據該司通詳陳日汝一案批候 督部院批示
矣仍候 督部院批示行繳